

看詩隨錄

曹鴻勳署





卷二十三

831756

看詩隨錄初唐七古卷二十

甯河高 靜慎莽選

汾陰行



君不見昔日西京全盛時
汾陰后土親祭祠
齋宮宿寢設厨供
撞鐘鳴鼓樹羽旂
漢家四葉才且雄
賓筵萬靈服九戎
柏梁賦詩高宴罷
詔書法駕幸河東
河東太守親掃除
奉迎至尊導鸞輿
五營將校列容衛
三河縱觀空里閭
回旌駐蹕降靈場
焚香奠醑邀百祥
金鼎發食正焜煌
靈祇燁燁據景光
埋玉陳牲禮畢舉
麾上馬乘輿出彼汾
之曲嘉可遊木蘭為
楫桂為舟棹歌微吟
綵鸚浮簫鼓哀鳴
看詩隨錄 卷二十二上 一

白雲秋歡娛晏洽賜羣后
家家復除戶牛酒聲名動天樂
無有千秋萬歲南山壽
自從天子向秦關
玉輦金輿不復還
珠簾羽帳長寂寞
鼎湖龍髯安可攀
千齡人事一朝空
四海為家此路窮
雄豪意氣今何在
壇場宮館盡蒿蓬
路逢故老長歎息
世事回環不可測
昔時青樓對歌舞
今日黃埃聚荆棘
山川滿目淚沾衣
富貴榮華能幾時
不見只因泣然流涕
顧左右曰李嶠真可謂才子也
今汾水上唯有年年秋雁飛

飲馬長城窟行

王 翰

長安少年無遠圖
一生惟羨執金吾
麒麟殿前拜天子
走馬為君西擊胡
胡沙獵獵吹人面
漢胡相逢不相見
遙聞

鐘鼓動地來傳道單于夜猶戰此時顧恩寧顧身為君一行推萬人壯士揮戈迴白日單于濺血汚朱輪歸來飲馬長城窟長城道傍多白骨問之耆老何代人云是秦王築城卒黃昏塞北無人煙鬼哭啾啾聲沸天無罪見誅功不賞孤魂流落此城邊當昔秦王按劍起諸侯膝行不敢視富國強兵二十年築怨聲冤九千里秦王築城何太愚天實亡秦非北胡一朝禍起蕭牆內渭水咸陽不復都

明冰篇

富嘉謨

嘉謨官左御史與吳少微齊名號富吳體張說稱其文北陸蒼茫河海凝南山闌干晝夜冰素彩峨峨明月升深如孤峯絕岸壁立萬仞巖巖鬱興震雷俱發誠可畏也山窮谷不自見安知採斲備嘉薦陰房涸沍掩寒扇陽春看詩隨錄

卷二十二上

二

二月朝始噉春光潭沲度千門明冰時出御至尊彤庭赫赫九儀備腰玉煌煌千官事明冰畢賦周在位憶昨沙漠寒風漲崑崙長河水始壯汗漫峻嶒積亭障嗥嗥鳴雁江上來禁苑池臺冰復開搖青涵綠映樓臺幽歌七月王風始鑿冰藏用昭物軌四時不忒千萬祀

鄴都引

張說

沈德潛曰草創二字史筆
君不見魏武草創爭天祿羣雄睚眦相馳逐畫攜壯士破堅陣夜接詞人賦華屋都邑繚繞西山陽桑榆漫漫漳河曲城郭為墟人代改但見西園明月在鄴傍高塚多貴臣蛾眉曼睩共灰塵試上銅臺歌舞處惟有秋風愁煞人

看詩隨錄盛唐王李七古卷二十二下

甯河高靜慎莽選其來不謂男虞恩校刊

送友人歸山歌二首 王維

山寂寂兮無人又蒼蒼兮多木羣龍兮滿朝君何爲兮空
谷文寡和兮思深道難知兮行獨悅石上兮流泉與松間
兮草屋入雲中兮養鷄上山頭兮抱犢神與棗兮如瓜虎
賣杏兮收穀愧不才兮妨賢嫌既老兮貪祿誓解印兮相
從何詹尹兮可卜

山中人兮欲歸雲冥冥兮雨霏霏水驚波兮翠菅靡白鷺

忽兮飜飛君不可兮褰衣沈德潛曰以下寫去後情事如山萬重兮一雲混天地兮不分

看詩隨錄 卷二十二下 一

披畫圖吳昌祺曰多用對仗而且古麗樹唵啜兮氤氳猿不見兮空聞忽山西兮夕陽見東臯兮

遠村平蕪綠兮千里眇惆悵兮思君

魚山神女祠二首

迎神曲

坎坎擊鼓魚山之下吹洞簫望極浦女巫進紛屢舞陳瑤
席湛清醕風淒淒兮夜雨神之來兮不來使我心兮苦復
苦

送神曲

紛進拜兮堂前日眷眷兮瓊筵來不語兮意不傳作暮雨
兮愁空山悲急管思繁絃靈之駕兮儼欲旋修雲收兮雨

歇山青青兮水潺湲

贈徐中書望終南山歌

晚下兮紫微悵塵事兮多違駐馬兮雙樹望青山兮不歸

夷門歌

七雄雄雌猶未分攻城殺將何紛紛秦兵益圍邯鄲急魏

王不救平原君公子為嬴停駟馬執轡愈恭意愈下亥為

屠肆鼓刃人羸乃夷門抱關者非但慷慨獻奇謀意氣兼

將身命酌向風刎頸送公子七十老翁何所求

隴頭吟

長城少年遊俠客夜上戍樓看太白隴頭明月迥臨關隴

看詩隨錄

卷二十二下

二

上行人夜吹笛關西老将不勝愁駐馬聽之雙淚流身經

大小百餘戰麾下偏裨萬戶侯蘇武纔為典屬國節旄落

盡海西頭

榆林郡歌

山頭松柏林山下泉聲傷客心千里萬里春草色黃河水

流流不息黃龍戍上遊俠兒愁逢漢使不相識

燕支行

漢家大將才且雄來時謁帝明光宮萬乘親推雙闕下千

官出餞五陵東誓辭甲第金門裏身作長城玉塞中衛霍

才堪一騎將朝廷不數貳師功趙魏燕韓多勁卒關西俠

少何咆勃報讐只是聞嘗膽飲酒不曾妨刮骨畫戟雕戈
白日寒連旂大旆黃塵沒疊鼓遙翻瀚海波鳴笳亂動天
山月麒麟錦帶佩吳鈎颯沓青驪躍紫駟拔劍已斷天驕
臂歸鞍共飲月支頭漢兵大呼一當百虜騎相看哭且愁
教戰雖令赴湯火終知上將先伐謀

桃源行

沈曰順文敘事不須自出意見而夷猶容與令人味之
漁舟逐水愛山春兩岸桃花夾去津坐看紅樹不知遠行
不盡唐文粹注時年十九作
盡青溪不見人山口潛行始隈隩山開曠望旋平陸遙看

一處攢雲樹近入千家散花竹樵客初傳漢姓名居人未

改秦衣服居人共住武陵源還從物外起田園月明松下

看詩隨錄 卷二十二下 三

房櫳靜日出雲中雞犬喧驚聞俗客爭來集競引還家問

都邑平明閭巷掃花開薄暮漁樵乘水入初因避地去人

間及至成仙遂不還峽裏誰知有人事世中遙望空雲山

不疑靈境難聞見塵心未盡思鄉縣出洞無論隔山水辭

家終擬長游衍自謂經過舊不迷安知峰壑今來變當時

又云就漁客重尋生情古雅首餘幽深無際筆墨化馬
只記入山深青溪幾曲到雲林春來遍是桃花水不辨仙

徑雲
源何處尋

老將行

吳日右丞七占頗多弱調而後人在往宗之蓋學壯如
少年十五二十時步行奪取胡馬騎射殺山中白額虎肯
畫虎學王如刻鵠也
數鄴下黃鬚兒一身轉戰三千里一劍會當百萬師漢兵

奮迅如霹靂胡騎崩騰畏
疾藜衛青不敗由天幸李廣無
功緣數奇自從棄置便衰朽
世事蹉跎成白首昔時飛箭
無全目今日垂楊生左肘
路傍時賣故侯瓜門前學種
先生柳蒼茫古木連窮巷
寥落寒山對虛牖誓令疏勒
出飛泉不似潁川空使酒
賀蘭山下陣如雲羽檄交馳
日夕聞節使三河募年少
詔書五道出將軍試拂鐵衣
如雪色聊持寶劍動星文
願得燕弓射天將恥令越甲
鳴吾君莫嫌舊日雲中守
猶堪一戰立功勳

洛陽女兒行

洛陽女兒對門居纔可容顏十五餘
良人玉勒乘驄馬侍

看詩隨錄

卷二十二下

四

女金盤膾鯉魚畫閣朱樓盡相望
紅桃綠柳垂簷向羅帷送
上七香車寶扇迎歸九華帳
狂夫富貴在青春意氣驕
奢劇季倫自憐碧玉親教舞
不惜珊瑚持與人春牕曙滅
九微火九微片片飛花璵戲罷
會無理曲時妝成祇是薰
香坐城中相識盡繁華
日夜經過趙李家誰憐越女顏如
子不遇也西施詠同一寄詠
玉貧賤江頭自浣紗

同崔傅答賢弟

沈曰寓疎蕩於陳仗之中此盛唐人身分吳日對仗
洛陽才子姑蘇客桂苑殊非故鄉陌
九江楓樹幾回青一

之中自多跌宕

片揚州五湖白揚州時有下江兵
蘭陵鎮前吹笛聲夜火入歸富
春郭秋風鶴唳石頭城周郎陸弟
爲儔侶對舞前

溪歌白紵曲几書留小史家草堂某賭山陰墅衣冠若話
外臺臣先數夫君席上珍更聞臺閣求三語遙想風流第
一人

故人張諲工詩善易卜兼能丹青草隸頃以詩見贈

聊賦酌之

不逐城東遊俠兒隱囊紗帽坐彈碁蜀中夫子時開卦洛
下書生解咏詩藥欄花徑衡門裏時復據梧聊隱几屏風
誤點臧孫郎團扇草書輕內史故園高枕度三春永日垂
帷絕四鄰自想蔡邕今已老更將書籍與何人

答張五弟諲

看詩隨錄

卷二十二下

五

終南有茅屋前對終南山終年無客長閉關終日無心長
王堯衢曰六句四韻中包含無限靜思公是學道人出
語精微俱耐人想古詩中用才情用綺麗者居其次矣

自閑不妨飲酒復垂釣君但能來相往還

送崔五太守

長安廐吏來到門朱文露網動行軒黃花縣西九折坂玉
樹宮南五丈原裒斜谷中不容幘惟有白雲當露冕子午
山裏杜鵑啼嘉陵水頭行客飯劍門忽斷蜀川開萬井雙
流滿眼來霧中遠樹刀州出天際澄江巴字迴使君年紀
三十餘少年白晢專城居欲持畫省郎官筆迴與臨功父

老書

寒食城東卽事

清溪一道穿桃李
演漾綠蒲涵白芷
溪上人家凡幾家
落花半落東流水
蹴踘踴過飛鳥上
鞦韆競出垂楊裏
少年分日作遨遊
不用清明兼上巳

新秦郡松樹歌

青青山上松
數里不見今更逢
不見君心相憶此
心向君君應識
爲君顏色高且閑
亭亭迥出浮雲間

問寇校書雙溪

君家少室西
爲問少室東
別來幾日今春風
新買雙溪定何似
餘生欲寄白雲中

送李睢陽

看詩隨錄

卷二十二下

六

將置酒思悲翁
使君去出城東
麥漸漸雉子斑
槐陰陰到潼關
騎連連車遲遲
心中悲宋又遠
周間之南淮
夷東齊兒碎碎
織練與素綵
遊人賈客信難持
五穀前熟方可爲
下車閉閣君當思
天子當殿儼衣裳
大官尙食陳羽觴
彤庭散綬垂鳴璫
黃紙詔書出東廂
輕紈疊綺爛生光
宗室子弟君最賢
分憂當爲百辟先
布衣一言相爲死
何況聖主恩如天
鸞聲噦噦魯侯旗
明年上計朝京師
須憶今日斗酒別
慎勿富貴忘我爲

不遇詠

北闕獻書寢不報
南山種田時不登
百人會中身不預
五

侯門前心不能身投河朔飲君酒家在茂陵平安否且此
登山復臨水莫問春風動楊柳今人昨人多自私自我心不
說君應知濟人然後拂衣去肯作徒爾一男兒

古意

李頎

男兒事長征少小幽燕客賭勝馬蹄下由來輕七尺殺人

莫敢前鬢如蝟毛磔黃雲隴底白雲飛未得報恩不得歸

遼東小婦年十五慣彈琵琶解歌舞今為羌笛出塞聲使

我三軍淚如雨

古從軍行

白日登山望烽火黃昏飲馬傍交河行人刁斗風沙暗公

看詩隨錄

卷二十二下

七

主琵琶幽怨多野雲萬里無城郭雨雪紛紛連大漠胡雁

哀鳴夜夜飛胡兒眼淚雙雙落聞道玉門猶被遮應將性

命逐輕車年年戰骨埋荒外空見蒲桃入漢家

行路難

漢家名臣楊德祖四代五公享茅土父子兄弟箱銀黃躍

馬鳴珂朝建章火浣單衣繡方領菜萸錦帶玉盤囊賓客

填街復滿座片言出口生輝光世人逐勢爭奔走瀝膽嚔

肝惟恐後當時一顧登青雲自謂生死長隨君一朝謝病

還鄉里窮巷蒼苔絕知已秋風落葉閉重門昨日論交竟

誰是薄俗嗟嗟難重陳深山麋鹿可為鄰魯連所以蹈東

沈曰此借楊氏發論為勢利之徒言之末言魯連蹈海

正能一空勢利之見耳吳曰亦大雅之音也

沈曰為開邊者垂戒

海古往今來稱達人

緩歌行

小來託身攀貴遊，傾財破產無所憂。暮擬經過石渠署，朝將出入銅龍樓。結交杜陵輕薄子，謂言可生復可死。一沈一浮會有時，棄我翻然如脫屣。男兒立身須自強，十年閉戶穎水陽。業就功成見明主，擊鐘鼎食坐華堂。二入蛾眉梳墮馬，美酒清歌曲房下。文昌宮中賜錦衣，長安陌上退朝歸。五陵賓從莫敢視，三省官僚揖者稀。早知今日讀書是，悔作從前任俠非。

放歌行答從弟墨卿

看詩隨錄

卷二十二下

八

小來好文恥學武，世上功名不解取。雖沾寸祿已後時，徒欲出身事明主。柏梁賦詩不及宴，長楸走馬誰相數。欽述俛眉心自甘，高歌擊節聲半苦。由是蹉跎一老夫，養鷄牧豕東城隅。空歌漢代蕭相國，肯事霍家馮子都。徒爾當年聲藉藉，濫作詞林兩京客。故人斗酒安陵橋，黃鳥春風洛陽陌。吾家令弟才不羈，五言破的人共推。興來逸氣如瀉湧，千里長江歸海時。別離短景何蕭索，佳句相思能間作。舉頭遙望魯陽山，木葉紛紛向人落。

琴歌

主人有酒歡今夕，請奏鳴琴廣陵客。月照城頭烏半飛，霜

淒萬樹風入衣銅鑪華燭增輝初彈淚水後楚妃一聲
沈曰比高堂如空山能使江月白等語更徹更遠
已動物皆靜四座無言星欲稀清淮奉使千餘里敢告雲

山從此始

欲之新鄉答崔顥綦母潛

數年作吏家屢空誰道黑頭成老翁男兒在世無產業行
子出門如轉蓬吾屬交歡此何夕南家攜衣動歸客銅鑪
將炙相歡飲星宿縱橫露華白寒風卷葉度溥沱飛雪布
地悲峨峨孤城落日見棲鳥馬上時聞漁者歌明朝東路
把君手臘日辭君期歲首自知寂寞無去思敢望縣人致
牛酒

看詩隨錄

卷二十二下

九

送康洽入京進樂府歌

識子十年何不遇只愛歡遊兩京路朝吟左氏嬌女篇夜
誦相如美人賦長安春物舊相宜小苑蒲萄花滿枝柳色
偏濃九華殿鶯聲醉煞五陵兒曳褲此日從何所中貴由
來盡相許白袂春衫仙吏贈烏皮隱几臺郎與新詩樂府
唱堪愁御伎應傳鳩鵲樓西上雖因長公主終須一見曲
陵侯

送劉十

三十不官亦不娶時人焉識道高下房中惟有老氏經
空餘少遊馬往來嵩華與函秦放歌一曲前山春西林

獨鶴引閑步南澗飛泉清角巾前年上書不得意歸臥東
窗兀然醉諸兄相繼掌青史第五之名齊驃騎烹葵摘果
告我行落日夏雲縱復橫聞道謝安掩口笑知君不免爲
蒼生

別梁錕

梁生侷儻心不羈途窮氣蓋長安兒回頭轉眄似鷓鴣有
志飛鳴人豈知雖云四十無祿位曾與大軍掌書記抗辭
請刃誅部曲作色論兵犯二帥一言不合龍額侯擊劔拂
衣從此棄朝朝飲酒黃公壚脫帽露頂爭叫呼庭中犢鼻
昔嘗挂懷裏琅玕今在無時人見子多落魄共笑狂歌非
看詩隨錄

卷二十二下

十

遠圖忽然遣躍紫駟馬還是昂藏一丈夫洛陽城頭曉霜
白層冰峨峨滿川澤但聞行路吟新詩不欺舉家無擔石
莫言貧賤長可欺覆篲成山當有時莫言富貴長可託水
榰朝看暮還落不見古時塞上翁倚伏由來任天作去
世路風波意非專言江湖難涉也
滄波勿復陳五湖三江愁煞人

送從弟遊江淮兼謁鄱陽劉太守

都門柳色朝朝新念爾今爲江上人穆陵關帶清風遠彭
蠡湖連芳草春泊舟借問西林寺曉聽猿聲在山翠潯陽
北望鴻鴈回溢水東流客心醉須知聖代舉賢良不使遺
才滯一方應見鄱陽虎符守思歸共指白雲鄉

一作葉

四月南風大麥黃
棗花未落桐陰長
青山朝別暮還見
嘶馬出門思舊鄉
陳侯立身何坦蕩
虬鬚虎眉仍大頰
腹中貯書一萬卷
不肯低頭在草莽
東門酤酒飲我曹
心輕萬事如鴻毛
醉卧不知白日暮
有時空望孤雲高
長河浪頭連天黑
津吏停舟渡不得
鄭國遊人未及家
洛陽行子空歎息
聞道故林相識多
罷官昨日今如何

送劉昱

吳昌祜曰古詩如此乃名家所套
八月寒葦花秋江浪頭白
北風吹五兩誰是潯陽客
鷓鴣

山頭微雨晴揚州郭裏暮潮生
行人夜宿金陵渚試聽沙

看詩隨錄 卷二十二下

十一

邊有鴈聲

送郝判官

楚城木葉落夏口青山轉
鴻雁向南時君乘使者傳
楓林帶水驛夜火明山縣
千里送行人蔡州如眼見
江連清漢東逶迤遙望荆
雲相蔽虧應問襄陽舊風
俗爲余騎馬習家池

聽安萬善吹觱篥歌

南山截竹爲觱篥此樂本自龜茲出
流傳漢地曲轉奇涼州胡人爲我吹
傍鄰聞者多歎息遠客思鄉皆淚垂
世人解聽不解賞長飈風中自來往
枯桑老柏寒飈颼九雛鳴

鳳亂啾啾龍吟虎嘯一時發萬籟百泉相與秋忽然更作
漁陽慘黃雲蕭條白日暗變調如聞楊柳春上林繁花照
眼新歲夜高堂列明燭美酒一杯聲一曲

聽董大彈胡笳聲兼寄語弄房給事

蔡女昔造胡笳聲一彈一十有八拍胡人落淚沾邊草漢
使斷腸對歸客古戍蒼蒼烽火寒大荒沈沈飛雪白先拂
商絃後角羽四郊秋葉驚撼撼董夫子通神明深松竊聽
來妖精言遲更速皆應手將往復旋如有情空山百鳥散
還合萬里浮雲陰且晴嘶酸雜雁失羣夜斷絕胡兒戀母
聲川爲靜其波鳥亦罷其鳴烏孫部落家鄉遠邈渺沙塵
看詩隨錄 卷二十二下 七

哀怨生幽音變調忽飄灑長風吹林雨墮瓦迸泉颯颯飛

木末野鹿啣啣走堂下

股端云足可欲歎震蕩心神

長安城連東掖垣鳳凰池對青瑣

門高才脫畧名與利日夕望君抱琴至

愛敬寺古藤歌

古藤池水盤樹根左攬右拏龍虎蹲橫空直上相陵突丰
茸離纏若無骨風雷霹靂連黑枝人言其下藏妖魑空庭
落葉乍開合十月苦寒常倒垂憶昨花飛滿空殿密葉吹
香飯僧遍南階雙桐一百尺相與年年老霜霰

崔五丈圖屏風各賦一物得烏孫佩刀

烏孫腰間佩兩刀刃可吹毛錦爲帶握中枕宿穹廬室馬

吳日起結似杜子美

上割飛螭螭寒執之魍魎誰能前氣寒清風沙漠邊磨用
陰山一片石洗將胡地獨流泉主人屏風寫奇狀鐵鞘金
銀儼相向回頭瞪目時一看使子心在江湖上

少室雪晴送王甯

少室衆峯幾峯別一峯晴見一峯雪隔城半山連青松素
色峨峨千萬重過景斜臨不可道白雲欲盡難爲容行人
與我翫幽境北風切切吹衣冷惜別浮橋駐馬時舉頭試
望南山嶺

同張員外諷訓答之作

洛中高士日沈冥手自灌園方帶經王湛牀頭見周易長
看詩隨錄

卷二十二下

三

康傳裏好丹青鵲冠葛屨無名位博奕賦詩聊遣意清言
只到衞家兒用筆能誇鍾太尉東籬二月種蘭蓀窮巷人
稀鳥雀喧聞道郎官問生事肯令鬢髮老柴門

王母歌

武皇齋戒承華殿端拱須臾王母見霓旌照耀麒麟車羽
蓋淋漓孔雀扇手指交梨遺帝食可以長生臨寓縣上元
頭戴九星冠總領玉童坐南面欲聞要言今告汝帝乃焚
香請此語若能鍊魄去三尸後當見我天皇所顧謂侍女
董雙成酒闌可奏雲和笙紅霞白日儼不動七龍五鳳紛
相迎惜哉志驕神不悅歎息馬蹄與車轍複道歌鐘香將

暮深宮桃李飛成雪爲看青玉五枝燈蟠螭吐火光欲絕
鮫人潛織水底居側身上下隨河魚輕綃文綵不可識夜

夜澄波連月色有時寄宿來城市海島青冥無極已泣珠
報恩君莫辭今年相見明年期始知萬族無不有百尺深
泉架戶牖鳥沒空山誰復望一望雲濤堪白首

絕纓歌

楚王宴客章華臺章華美人善歌舞玉顏豔豔空相向滿
堂目成不得語紅燭滅芳酒闌羅衣半醉春夜寒絕纓解
帶一爲歡君王赦過不之罪暗明珠翠鳴珊珊寧愛賢不
看詩隨錄

卷二十二下

西

愛色青娥買死誰能識果卻一軍全社稷

鄭櫻桃歌

石季龍僭天祿擅雄豪美人姓鄭名櫻桃櫻桃美顏香且
澤娥娥侍寢專宮掖後庭卷衣三萬人翠眉清鏡不得親
宮軍女騎一千匹繁花照耀耀漳河春織成花映紅綸巾紅
旗掣曳鹵簿新鳴輦走馬接飛鳥銅駝瑟瑟隨去塵鳳陽
重門如意館百尺金梯倚銀漢自言富貴不可量女爲公
主男爲王赤花雙簾珊瑚牀盤龍斗帳琥珀光淫昏僞位
神所惡滅石者陵終不悟鄴城蒼蒼白露微世事翻覆黃
雲飛

彈棊歌

崔侯善彈棊，巧妙盡於此。藍田美玉清如砥，白黑相分十二子。聯翩百中皆造微，魏文手中不足比。緣邊度隴未可嘉，鳥跂星懸危復斜。迴飆轉指速飛電，拂四取五旋風花。坐中齊聲稱絕藝，仙人六博何能繼。一別常山道路遙，爲余更作三五勢。

夏宴張兵曹東堂

重林華屋堪避暑，況乃烹鮮會佳客。主人三十朝大夫，滿座森然見矛戟。北窗臥簷連心花，竹裏蟬鳴西日斜。羽扇搖風卻珠汗，玉盆貯水割甘瓜。雲降峨峨自冰雪，坐對芳樽不知熱。醉來但挂葛巾，眠莫道明朝有離別。

看詩隨錄

卷二十二下

五

答高三十五留別便呈于十一

累薦賢良皆不就，家近陳留訪耆舊。韓康雖復在人間，王霸終思隱巖竇。清冷池水灌園蔬，萬物滄江心澹如。妻子歡同五株柳，雲山老對一牀書。昨日公車見三事，明君賜衣遣爲吏。懷章不使郡邸驚，待詔初從闕庭至。散誕由來自不羈，低頭授職爾何爲。故園壁挂烏紗帽，官舍塵生白接離。寄書寂寂於陵子，蓬蒿沒身胡不仕。藜羹被褐環堵中，歲晚將貽故人恥。

送王道士還山

嵩陽道士餐柏實居處三花對石室心窮伏火陽精丹口
誦淮王萬畢術自言神訣不可求我師聞之元圃遊出入
彤庭佩金印承恩赫赫如王侯雙峰樹下曾受業應傳肘
後長生法吾聞仙地多後身安知不是具茨人玉膏清冷
瀑泉水白雲溪中日方此從今不見數十年鬢髮容顏只
如是先生捨我欲何歸竹杖黃裳登翠微當有巖前白蝙蝠
迎君日暮雙來飛

送劉四赴夏縣

九霄特立紅鸞姿萬仞孤生玉樹枝劉侯致致身能若此天
骨自然多歎美聲名播揚二十年足下長途幾千里舉世
看詩隨錄

卷二十二下

六

皆親丞相閣我心獨愛伊川水脫畧勢利猶埃塵嘯傲時
人而已矣新詩數歲卽文雄上書昔召蓬萊宮明主拜官
麒麟閣光車駿馬看玉童高人往來廬山遠隱士往來張
長公扶南甘蔗甜如密雜以荔枝龍州橘赤縣繁詞滿劇
曹白雲孤峯暉承日朝持手板望飛鳥暮誦楞伽對空室
一朝出宰汾河間明府下車人吏閑端坐訟庭更無事開
門咫尺巫咸山男耕女織蒙惠化麥熟雉鳴長秋稼明年
九府議功時五辟三徵當在茲聞道桐鄉有遺老邑中還
欲置生祠

沉沉牛渚磯舊說多靈怪行人夜秉生犀燭洞照洪深闢
滂湃乘車駕馬往復旋赤紱朱冠何偉然波驚海若潛幽
石龍抱胡髯卧黑泉水濱丈人曾有語物或惡之當害汝
武昌妖夢果爲災百代英威埋鬼府青青蘭艾本殊香察
見泉魚固不祥濟水自清河自濁周公大聖接輿狂千年
魑魅逢華表九日茱萸作佩囊善惡死生齊一貫祇應斗
酒任蒼蒼

送劉方平

綺紈遊上國多作少年行二十二詞賦惟君著美名童顏
且白暫佩德如瑤瓊荀氏風流盛胡家公子清有才不偶
看詩隨錄 卷二十二下 七
誰之過肯卽藏鋒事高卧洛陽草色猶自春遊子東歸喜
拜親漳水橋頭值鳴鴈朝歌縣北少行人別離斗酒心相
許落日青郊半微雨請君騎馬望西陵爲我殷勤弔魏武

送山陰姚丞之任兼寄蘇少府

東風香草路南客心容與白晳吳王孫青蛾柳家女都門
數騎出河口片帆舉夜簾眠橘洲春衫傍楓嶼山陰政簡
甚從容到罷惟求物外蹤落日花邊剡溪水晴煙竹裏會
稽峯才子風流蘇伯玉同官曉暮應相逐加飡共愛鱸魚
肥醒酒仍憐甘蔗熟知君練思本清新季子如今得爲鄰
他日知尋始寧墅題詩早晚寄西人

香林齋詩錄卷二十二終 門下晚生 許惟善 校字

看詩隨錄

卷二十二下

丈



看詩隨錄七古卷二十二終

門下晚生

許惟善 校字
蔣瑞龍

看詩隨錄高岑七古卷二十三上

甯河高 靜慎莽選

男棠恩校刊

古大梁行

高適

達夫五十為詩每一篇出時人爭頌所謂達夫尚節義其詩故可傳也
古城莽蒼饒荆榛驅馬荒城愁殺人魏王宮觀盡禾黍信

陵賓客隨灰塵憶昨雄都舊朝市軒車照耀歌鐘起軍容

帶甲三十萬國步連營一千里全盛須臾那可論高臺曲

池無復存遺墟但有狐狸迹古地空餘草木根暮天搖落

傷懷抱撫劍悲歌對秋草俠客猶傳朱亥名行人尚識夷

門道白璧黃金萬戶侯寶刀駿馬填山邱年代淒涼不可

問往來惟見水東流

看詩隨錄 卷二十三上

邯鄲少年行

王堯備曰此篇上下兩段局上半篇一轉氣緩下半篇
邯鄲城南遊俠子自矜生長邯鄲裏千場縱博家仍富幾

君不見後轉韻氣促格調直然
處報讐身不死宅中歌笑日紛紛門外車馬如雲屯未知

豪語
肝膽向誰是令人卻憶平原君君不見今人交態薄黃金

之故
用盡還疎索以茲感歎辭舊遊更於時事無所求且與少

吳昌祺曰雄風勁氣足以自豪
年飲美酒往來射獵西山頭

燕歌行

開元二十六年客有從元戎出塞而還者作燕歌

行以示適感征戍之事因而和焉

沈日悲壯古今絕調七言古中時帶整句局勢方不散
漢家煙塵在東北漢將辭家破殘賊男兒當自重橫行天

子非常賜顏色
撻金伐鼓下榆關
旌旆逶迤碣石間
校尉羽書飛瀚海
單于獵火照狼山
山川蕭條極邊土
胡騎憑陵雜風雨
戰士軍前半死生
美人帳下猶歌舞
大漠窮秋塞草腓
孤城落日關兵稀
身當恩遇常輕敵
力盡關山未解圍
鐵衣遠戍辛勤久
玉筋應啼別離後
少婦城南欲斷腸
征夫蜀北空回首
邊庭飄颻那可度
絕域蒼茫無所有
殺氣三時作陣雲
寒聲一夜傳刁斗
相看白刃血紛紛
死節從來豈顧勲
君不見沙場征戰苦
至今猶憶李將軍

古歌行

君不見漢家三葉從
代至高皇舊臣多
富貴天子垂衣方
看詩隨錄 卷二十三上 二

晏如廟堂拱手無餘議
蒼生偃卧休征戰
露臺白金以爲費
田舍老翁不出門
洛陽少年莫論事

人日寄杜二拾遺

人日題詩寄草堂
遙憐故人思故鄉
柳條弄色不忍見
梅花

花滿枝空斷腸
身在遠藩無所豫
心懷百憂復千慮
今年人日空相憶
明年人日知何處
一臥東山三十春
豈知書劍老風塵
龍鍾還忝二千石
愧爾東西南北人

送渾將軍出塞

將軍族貴兵且強
漢家已是渾邪王
子孫相承在朝野
至今部曲燕支下
控弦盡用陰山兒
登陴長騎大宛馬
銀鞍

玉勒繡螭弧每逐嫖姚破骨都李廣從來先將士衛青未
肯學孫吳傳有沙場十萬騎昨日邊庭羽書至城頭畫角
三四聲匣裏寶刀晝夜鳴意氣能甘萬里去辛勤動作一
年行黃雲白草無前後朝建旌旄夕刁斗塞下應多俠少
年關西不見春楊柳從軍借問所從誰擊劍酣歌當此時
遠別無輕繞朝策平戎早寄仲宣詩

別韋參軍

二十解書劍西遊長安城舉頭望君門屈指取公卿國風
冲融邁三五朝庭歡一作禮樂彌寰宇白璧皆言賜近臣布衣不
得干明主歸來洛陽無負郭東過梁宋非吾土免苑爲農

看詩隨錄

卷二十三上

三

歲不登雁池垂釣心長苦世人向我同衆人唯君於我最
相親且喜百年見交態未常一日辭家貧彈碁擊筑白日
晚縱酒高歌楊柳春歡娛未盡分散去使我惆悵驚心神
丈夫不作兒女別臨歧涕淚沾衣巾

賦得還山吟送沈四山人

還山吟王堯衢曰此篇從題起韻寫題二句轉調用疊韻五句
天高日暮寒山深送君還山識君心人生老大須
恣意看君解作一生事山間偃仰無不至石泉淙淙若風

雨桂花松子常滿地賣藥囊中應有錢還山服藥又長年

白雲勸盡杯中物明月相隨何處眠醉時憶問醒時事夢

魂可以相周旋

贈別晉三處士

有人家住清河源渡河問我游梁園手持道經注已畢心
知內篇口不言盧門十年見秋草此心惆悵誰能道知已
吳日情致自婉而不見幾奉
從來不易知慕君爲人與君好別時九月桑葉疎出門千
里無行車愛君且欲君先達今上求賢早上書

送田少府貶蒼梧

沈吟對遷客惆悵西南天昔爲一官未得意今向萬里令人憐
念茲斗酒成暌間停舟歎君日將晏遠樹應憐北地春行人
卻羨南歸雁丈夫窮達未可知看看君不合長數奇
江山到處堪乘興楊柳青青那足悲

看詩隨錄

卷二十三上

四

封邱縣

我本漁樵孟諸野一生自是悠悠者乍可狂歌草澤中寧
堪作吏風塵下祇言小邑無所爲公門百事皆有期拜迎
沈日世情如此古今同轍
官長心欲碎鞭撻黎庶令人悲歸來向家問妻子舉家盡
笑今如此生事應須南畝田世情付與東流水夢想舊山
安在哉爲銜君命且遲回乃知梅福徒爲爾轉憶陶潛歸
去來

送別

昨夜離心正鬱陶三更白露西風高螢飛木落何淅瀝此
時夢見西歸客曙鐘寥亮三四聲東鄰嘶馬使人驚攬衣

出戶一相送唯見歸雲縱復橫

秋胡行

妾本邯鄲未嫁時容華倚翠人未知一朝結髮從君子將
妾迢迢東魯陲時逢大道無艱阻君方遊宦從陳汝蕙樓
獨臥頻度春彩閣辭君幾徂暑三月垂楊蠶未眠攜籠結
侶南陌邊道逢行子不相識贈妾黃金買少年妾家夫婿
經離久寸心誓與長相守願言行路莫多情道妾貞心在
人口日暮蠶飢相命歸攜籠端飾來庭闈勞心苦力終無
恨所冀君恩即可依聞說行人已歸止乃是向來贈金子
相看顏色不復言相顧懷慙有何已從來自隱無疑背直
看詩隨錄

卷二十三上

五

爲君情也相會如何咫尺仍有情況復迢迢千里外誓將
顧恩不顧身念君此日赴河津莫道向來不得意故欲留
規誠後人

行路難二首

長安少年不少錢能騎駿馬鳴金鞭五侯相逢大道邊美
人絃管爭留連黃金如斗不敢惜片言如山莫棄捐安知
顛顛讀書者暮宿虛臺一作靈私自憐

君不見富家翁舊時貧賤誰比數一朝金多結豪貴萬事
勝人健如虎子孫成行滿眼前妻能管絃妾能舞自矜一
身忽如此卻笑傍人獨愁苦東鄰少年安所如席門窮巷

出無車有才不肯學干謁何用年年空讀書

九日酬顏少府

簷前白日應可惜籬下黃花爲誰有
行子迎霜未授衣主人得錢始沽酒
蘇秦顛頓人多厭蔡澤栖遲世看醜
縱使登高只斷腸不如獨坐空搔首

吳日未翻得好

留別鄭三韋九兼洛下諸公

憶昨相逢論久要顧君哂我輕常調
羈旅雖同白社遊詩書已作青雲料
蹇質蹉跎竟不成年過四十尙躬耕
長歌達者杯中物冷笑前人身後名
幸逢明盛多招隱高人太澤徵求盡
此時亦得辭漁樵青袍裹身荷聖朝
犁牛釣竿看詩隨錄

卷二十三上

六

不復見縣人邑吏來相邀遠路鳴蟬秋
興發華堂美酒離憂銷不知何日更攜
手應念茲晨去折腰

送楊山人歸嵩陽

不到嵩陽動十年舊時心事已徒然
一二故人不復見三十六峯猶眼前
夷門二月柳條色流鶯數聲淚沾臆
鑿井耕田不我招知君以此忘帝力
山人好去嵩陽路惟余眷眷長相憶

送蔡山人

東山布衣明古今自言獨未逢知音
識者閱見一生事到處豁然千里心
看書學劍長辛苦近日方思謁明主
斗酒

相留醉復醒悲歌數年淚如雨丈夫遭遇不可知買臣主
父皆如斯我今躑躅無所似看爾崩騰何若爲

平臺夜遇李景參有別

離心忽悵然策馬對秋天孟諸薄暮涼風起歸客相逢渡
睢水昨時攜手已十年今日分途各千里歲物蕭條滿路
歧此行浩蕩令人悲家貧羨爾有微祿欲往從之何所之
同鮮于洛陽於畢員外宅觀畫馬歌

知君愛鳴琴仍好千里馬永日恆思單父中有時心到宛
城下遇客丹青天下才白生胡雛控龍媒主人娛賓畫障
開只言騏驥西極來半壁趨勢不住滿堂風飄颻然度
看詩隨錄 卷二十三上 七
家僮愕視欲先鞭櫪馬驚嘶還屢顧始知物妙皆可憐燕
昭市駿豈徒然縱令翦拂無所用猶勝駑駘在眼前

畫馬篇

君侯櫪上驄貌在丹青中馬毛連錢蹄鐵色圖畫光輝驕
玉勒馬行不動勢若來權奇蹴踏無塵埃感茲絕代稱妙
手遂令談者不容口麒麟獨步自可珍駑駘萬匹知何有
終未如他櫪上驄載華轂騁飛鴻荷君翦拂與君用一日
千里如旋風

岑奇逸而輪

輪臺歌奉送封大夫出師西征

岑參

沈日起法浩洽落落嘉州邊塞詩尤雅獨步袁枚曰邊
輪臺城頭夜吹角輪臺城北旄頭落羽書昨夜過渠犂單

塞用高岑

于已在金山西戍樓西望煙塵黑漢兵屯在輪臺北上將
擁旄西出征平明吹笛大軍行四邊伐鼓雪海湧三軍大
呼陰山動虜塞兵氣連雲屯戰場白骨纏草根劍河風急
雲片闊沙口石凍馬蹏脫亞相勤王甘苦辛誓將報主靜
邊塵古來青史誰不見今見功名勝古人

走馬川行奉送出師西征

沈曰句句用韻三句一轉此驛山碑文法也唐中興頌
君不見走馬川行雪海邊平沙莽莽黃入天輪臺九月風
亦然勢險節短

夜吼一川碎石大如斗隨風滿地石亂走匈奴草黃馬正
肥金山西見煙塵飛漢家大將今出師將軍金甲夜不脫
半夜軍行戈相撥風頭如刀面如割馬毛帶雪汗氣蒸五
看詩隨錄

卷二十三上

八

花連錢旋作冰幕中草檄硯水凝虜騎聞之心膽懾料知
短兵不敢接車師西門佇獻捷

白雪歌送武判官歸京

北風捲地白草折胡天八月卽飛雪忽如一夜春風來千
樹萬樹梨花開散入珠簾溼羅幙狐裘不煖錦衾薄將軍
角弓不得控都尉鐵衣冷難著瀚海闌干百丈冰愁雲慘
淡萬里凝中軍置酒飲歸客胡琴琵琶與羌笛紛紛暮雪
下轅門風掣紅旗凍不翻輪臺東門送君去去時雪滿天
山路山迴路轉不見君雪上空留馬行處

熱海行送崔侍御還京

側聞陰山胡兒語西頭熱海水如煮海上衆鳥不敢飛中
有鯉魚長且肥岸傍青草常不歇空中白雪遙旋滅蒸沙
爍石然虜雲沸浪炎波煎漢月陰火潛燒天地鑪何事偏
烘西一隅勢吞月窟侵太白氣連赤岸通單于送君一醉
天山郭正見夕陽海邊落柏臺霜威寒逼人熱海炎氣爲
之薄

梁園歌送河南王說判官

君不見梁孝王修竹園頽牆隱麟勢仍存嬌娥曼臉成草
蔓羅帷珠簾空竹根大梁一旦人代改秋月春風不相待
池中幾度雁新來洲上千年鶴應在梁園二月梨花飛卻
看詩隨錄

卷二十三上

九

似梁王雪下時當時置酒延枚叟肯料平臺狐兔走萬事
翻覆如浮雲昔人空在今人口單父古來稱宓生祇今爲
政有吾兄轡軒若過梁園道應傍琴臺聞政聲

函谷關歌送劉評事使關西

君不見函谷關崩城毀壁至今在樹根草蔓遮古道空谷
千年長不改寂寞無人空舊山聖朝無外不須關白馬公
孫何處去青牛老人更不還蒼苔白骨滿空地月與古時
長相似野花不省見行人山鳥何曾識關吏故人方乘使
者車吾知郭丹卻不如請君還憶關外客行到關西多致

謂人從曰白謂

書

火山雲歌送別

火山突兀赤亭口火山五月火雲厚火雲滿山疑未開飛

沈德潛曰形容得出

鳥千里不敢來平明乍逐胡風斷薄暮渾隨塞雨回繚繞

斜吞鐵關樹氛氲半掩交河戍迢迢征路火山東山上孤

雲隨馬去

天山雪歌送蕭治

一作歸京

天山雪雲常不開千峯萬嶺雪崔嵬北風夜捲赤亭口一

夜天山雪更厚能兼漢月照銀山復逐胡風過鐵關交河

城邊飛鳥絕輪臺路上馬蹄滑唵靄寒氛萬里凝闌干陰

崖千丈冰將軍狐裘臥不暖都護寶刀凍欲斷正是天山

看詩隨錄

卷二十三

十一

雪下時送君走馬歸京師雪中何以贈君別惟有青青松

樹枝

敷水歌送竇漸入京

羅敷昔時秦氏女千載無人空處所昔時流水至今流萬

事皆逐東流去此水東流無盡期水聲還似舊來時岸花

仍自羞紅臉隄柳猶能學翠眉春去秋來不相待水中月

色長不改羅敷養蠶空耳聞使君五馬今何在九月霜天

水正寒故人西去度征鞍水底鯉魚幸無數願君別後垂

尺素

胡笳歌送顏真卿使赴河隴

吳曰起得健開誦數過不減劉禱之聲矣沈曰只言
君不聞胡笳聲最悲紫髯綠眼胡人吹吹之一曲猶未了
笳聲之悲見河隴之不堪使而惜別在言外矣
愁殺樓蘭征戍兒涼秋八月蕭關道北風吹斷天山草崑

崙山南月欲斜胡人向月吹胡笳胡笳怨兮將送君秦山
遙望隴頭雲邊城夜夜多愁夢向月胡笳誰喜聞

秦箏歌送外甥蕭正歸京

汝不聞秦箏聲最苦五色纏絃十三柱怨調慢聲如欲語
一曲未終日移午紅亭水木不知暑忽彈黃鐘和白紵清
風颯來雲不去聞之酒醒淚如雨汝歸秦兮彈秦聲秦聲
悲兮聊送汝

青門歌送東臺張判官

看詩隨錄

卷二十三上

十一

王亮衛曰此篇凡六韻兩句一韻者三四句一韻者三
青門金鎖平旦開城頭日出使車回青門柳枝正堪折路

參錯成章結句獨用九字是歌詞體也
傍一日幾人別東出青門路不窮驛樓官樹灞陵東花撲

征衣看似繡雲隨去馬色疑驄胡姬酒壚日未午絲繩玉

缸酒如乳灞頭落花沒馬蹏昨夜微雨花成泥黃鸝翅溼

飛轉低關東尺書醉嬾題須臾望君不可見揚鞭飛鞞疾

如箭借問使乎何時來莫作東飛伯勞西飛燕

與獨孤漸道別長句兼呈嚴八侍御

沈曰此詩頓轉突接不須蛛絲馬跡古詩中另是一格
輪臺客舍春草滿潁陽歸客腸堪斷窮荒絕漠鳥不飛萬

積千山夢猶懶憐君白面一書生讀書千卷未成名五侯

貴門腳不到數畝山田身自耕興來浪跡無遠近及至辭

家憶鄉信無事垂鞭信馬頭西南幾欲窮天盡奉使三年
自巳高齋入句預言其歸家以後軍中置酒四句忽入別

獨未歸邊頭詞客舊來稀借問君來得幾日到家不覺換
筵淋漓盡致

春衣高齋清晝卷羅幕紗帽接離慵不著中酒朝眠日色

高彈棊夜半燈花落冰片高堆金錯盤滿堂凜凜五月寒

桂林蒲萄新吐蔓武城刺蜜未可餐軍中置酒夜搥鼓錦

筵紅燭月未午花門將軍善胡歌葉河蕃王能漢語知爾

園林壓渭濱夫人堂上泣羅裙魚龍川北盤溪雨烏鼠山

西洮水雲臺中巖公於我厚別後新詩滿人口自憐棄置

天西頭因君為問相思否

送費子歸武昌

看詩隨錄 卷二十三上

漢陽歸客悲秋草旅舍葉飛愁不掃秋來倍憶武昌魚夢
著只在巴陵道曾隨上將過祁連離家十年恆在邊劍鋒
可惜虛用盡馬蹏無事今已穿知君開館常愛客携蒲百
金每一擲平生有錢將與人江上故園空四壁吾觀費子
毛骨奇廣眉大口仍赤髭看君失路尚如此人生貴賤那
得知高秋八月歸南楚東門一壺聊出祖路指鳳凰山北
雲衣沾鸚鵡洲邊雨勿歎蹉跎白髮新應須守道勿羞貧
男兒何必戀妻子莫向江村老卻人

梁州館中與諸判官夜集

鸞鸞月出挂城頭城頭月出照梁州梁州七里十萬家胡

人半解彈琵琶琵琶一曲腸堪斷風蕭蕭兮夜漫漫河西
幕中多故人故人別來三五春花門樓前見秋草豈能貧
賤相看老一生大嘯能幾時斗酒相逢須醉倒

酒泉太守席上醉後作

琵琶長笛曲相和羌兒胡雛齊唱歌渾炙犁牛烹野駝交
河美酒歸巨羅三更醉後軍中寢無奈秦山歸夢何

臨河客舍呈狄明府兄留題縣南樓

黎陽城南雪正飛黎陽渡頭人未歸河邊酒家堪寄宿主
人小女能縫衣故人高卧黎陽縣一別三年不相見邑中
雨雪偏著時隔河東郡人遙羨鄴都唯見古時邱漳水還
看詩隨錄

卷二十三上

三

如舊日流城上望鄉應不見朝來好是懶登樓

題匡城周少府廳壁

婦姑城南風雨秋婦姑城中人獨愁愁雲遮卻望鄉處數
日不上西南樓故人薄暮公事閒玉壺美酒琥珀盤潁陽
秋草今黃盡醉卧君家猶未還

偃師東與韓樽同詣景雲暉上人卽事

山陰老僧解楞伽潁陽歸客遠相過煙深草溼昨夜雨
後秋風渡漕河空山終日塵事少平郊遠見行人小尙書
積上黃昏鐘別駕渡頭一歸鳥

敬煌太守後庭歌

燉煌太守才且賢郡中無事高枕眠太守到來山出泉黃
砂磧裏人種田燉煌耆舊鬢皓然願留太守更五年城頭
月出星滿天曲房置酒張錦筵美人紅妝色正鮮側垂高
髻插金鈿醉坐藏鉤紅燭前不知鉤在若箇邊爲君手把
珊瑚鞭射得半段黃金錢此中樂事亦已偏

喜韓樽相過

三月灞陵春已老故人相逢耐醉倒瓊頭春酒黃花脂祿

吳曰淺而不弱

米只充沽酒資長安城中足年少獨共韓侯開口笑桃花
點地紅斑斑有酒留君且莫還與君兄弟日攜手世上浮
名好是閒

看詩隨錄

卷二十三上

西

銀山磧西館

銀山磧口風似箭鐵門關西月如練雙雙愁淚沾馬毛颯
颯胡沙迸人面丈夫三十未富貴安能終日守筆硯

客舍悲秋有懷兩省舊遊呈幕中諸公

三度爲郎便白頭一從出守五經秋莫言聖主長不用其
那蒼生應未休人間歲月如流水客舍秋風今又起不知
心事向誰論江上蟬鳴空滿耳

太白胡僧歌

并序

太白中峯絕頂有胡僧不知幾百歲眉長數寸身
不製繪帛衣以草葉恆持伽經雲壁迥絕人迹罕

到嘗東峯有鬪虎弱者將死僧杖而解之西湫有
毒龍久而爲患僧器而貯之商山趙叟前年采茯苓
深入太白偶值此僧訪我而說予恆有獨往之
意聞而悅之乃爲歌曰

聞有胡僧在太白蘭若去天三百尺一持楞伽入中峰世
人難見但聞鐘窗邊錫杖解兩虎牀下鉢孟藏一龍草衣
不滅復不綫兩耳垂肩眉覆面此僧年幾那得知手種青
松今十圍心將流水同清淨身與浮雲無是非商山老人
已曾識願一見之何由得山中有僧人不知城裏看山空
有山也足上一句
黛色

看詩隨錄

卷二十三上

五

衛節度赤驃馬歌

君家赤驃畫不得一團旋風桃花色紅纓紫鞵珊瑚鞭玉
鞍錦鞵黃金勒請君鞞出看君騎尾長率地如紅絲自矜
諸馬皆不及卻憶百金新買時香街紫陌鳳城內滿城見
者誰不愛揚鞭驟急白汗流弄影行驕碧蹄碎紫髯胡雛
金剪刀平明剪出三鬣高檣上看時獨意氣衆中牽出偏
雄豪騎將獵向南山口城南狐兔不復有草頭一點疾如
陵豈有四蹄疾於鳥不與入駭俱先鳴同一意而語更奇
飛卻使蒼鷹翻向後憶昨看君朝未央鳴珂擁蓋滿路香
警
始知邊將眞富貴可憐人馬相輝光男兒稱意得如此駿
馬長鳴北風起待君東去掃胡塵爲君一日行千里

田使君美人舞如蓮花北鋌歌

此曲本出北同城

美人舞如蓮花旋世人有眼應未見高堂滿地紅氍毹試舞一曲天下無此曲胡人傳入漢諸客見之驚且歎慢臉嬌娥纖復穠輕羅金縷花蔥蘢回裾轉衷若飛雪左鋌右鋌生旋風琵琶橫笛和未匝花門山頭黃雲合忽作出塞入塞聲白草胡沙寒颯颯翻身入破如有神前見後見回回新始知諸曲不可比采蓮落梅徒聒耳世人學舞祇是舞姿態豈能得如此

裴將軍宅蘆管歌

遼東九月蘆葉斷遼東小兒采蘆管可憐新管清且悲一看詩隨錄

卷二十三上

七

曲風飄海頭滿海樹蕭索天雨霜管聲寥亮月蒼蒼白狼河北堪愁恨空兔城南皆斷腸遼東將軍長安宅美人蘆管會佳客弄調吹颼勝洞簫發聲窈窕欺橫笛夜半高堂客未回祇將蘆管送君杯巧能陌上驚楊柳復向園中誤落梅諸客愛之聽未足高捲珠簾列紅燭將軍醉舞不肯休更使美人吹一曲

韋員外家花樹歌

王曰此篇前後換韻而起處雙起單落錯綜可愛

今年花似去年好去年人到今年老始知人老不如花可

吳曰潛花正是傷老蒼然無枝葉

惜落花君莫掃君家兄弟不可當列卿御史尙書郎朝回花底恒會客花撲玉缸春酒香

范公叢竹歌 并序

職方郎中兼侍御史范公乃於陝西使院內種竹
新製叢竹詩以見示美范公之清致雅操遂爲歌
以和之

世人見竹不解愛知君種竹府庭內此君託根幸得地種
來幾時聞已大盛暑脩脩叢色寒閑宵械檄葉聲乾能清
案牘簾下見宜對琴書窗外看爲君成陰將蔽日迸筍穿
堦踏還出守節偏凌御史霜虛心願比郎官筆君莫愛南
山松樹枝竹色四時也不移寒天草木黃落盡猶自青青
君始知

看詩隨錄

卷二十三上

七

玉門關蓋將軍歌

蓋將軍真丈夫行年三十執金吾身長七尺頗有鬚玉門
關城迴且孤黃沙萬里百草枯南鄰犬戎北接胡將軍到
來備不虞五千兵甲膽力麤軍中無事但歡娛暖屋繡簾
紅地爐織成壁衣花瓊瑜燈前侍婢瀉玉壺金錯亂點野
醅酥紫紱金章左右趨問著只是蒼頭奴美人一雙閑且
都未唇翠眉映明驢清歌一曲世所無今日喜聞鳳將雛
可憐絕勝秦羅敷使君五馬謾踟躕野草繡窠紫羅襦紅
牙鏤馬對擗蒲玉盤纖手撒作盧衆中誇道不曾輸樞上
昂昂皆駿駒桃花叱撥價最殊騎將獵向城南隅臘日射

殺千年狐我來塞外按邊備爲君取醉酒剩沾醉爭酒盞
相喧呼忽憶咸陽舊酒徒

贈酒泉韓太守

太守有能政遙聞如古人俸錢盡供客家計常清貧酒泉
西望玉關道千山萬磧皆白草辭君走馬歸長安憶君倏
忽令人老

贈西嶽山人李岡

君隱處當一星蓮花峯頭飯黃精仙人掌上演丹經鳥可
到人莫攀隱來十年不下山衷中短書誰爲達華陰道士
賣藥還

看詩隨錄

卷二十三上

六

送魏升卿

一作
叔虹

擢第歸東都因懷魏校書陸渾喬潭

井上桐葉雨灑亭卷秋風故人適戰勝匹馬歸山東問君
今年三十幾能使香名滿人耳君不見三峰直上五千仞
見君文章亦如此如君兄弟天下稀雄辭健筆皆若飛將
軍金印鞞紫綬御史鐵冠重繡衣喬生作尉別來久因君
爲問平安否魏侯校書復何如前日人來不得書陸渾山
水佳可賞蓬閣閑時日應往自料青雲未有期誰知白髮
偏能長壚頭青絲白玉瓶別時相顧酒如傾搖鞭舉袂忽
不見千樹萬樹空蟬鳴

送宇文南金放後歸太原寓居因呈太原郝主簿

歸去不得意北京關路餘卻投晉山老愁見汾陽花翻作
灞陵客憐君丞相家夜眠旅舍雨曉辭春城鴉送君繫馬
青門口胡姬壚頭勸君酒爲問太原賢主人春來更有新
詩否

西亭子送李司馬

高高亭子郡城西直上千尺與雲齊盤崖綠壁試攀躋羣
山向下飛鳥低使君五馬天半嘶絲繩玉壺爲君提坐來
一望無端倪紅花綠柳鶯亂啼千家萬井連迴溪酒行未
醉聞暮鷄點筆操紙爲君題爲君題惜解攜草萋萋沒馬
蹏步緊一步

看詩隨錄

卷二十三上

九

登古鄴城

下馬登鄴城城空復何見東風吹野火暮入飛雲殿城隅
南對望陵臺漳水東流不復回武帝宮中人去盡年年春
色爲誰來

邯鄲客舍歌

客從長安來驅馬邯鄲道傷心叢臺下一帶生蔓草客舍
門臨漳水邊垂楊下繫釣魚船邯鄲女兒夜沽酒對客挑
燈誇數錢酌酌醉時日正午一曲狂歌壚上眠

感遇二首錄一

北山有芳杜靡靡花正發未及得采之秋風忽吹殺君不

見拂雲百丈青松柯縱使秋風無奈何四時常作青黛色
可憐杜花不相識

漁父

扁舟滄浪叟心與滄浪清不自道鄉里無人知姓名朝從
灘上飯暮向蘆中宿歌竟還復歌手持一竿竹竿頭釣絲
長丈餘鼓枳乘流無定居世人那得識深意此翁取適非
取魚

送張獻心充副使歸河西雜句

將門子弟君獨賢一從受命常在邊未至三十已高位腰
間金印色赭然前日承恩白虎殿歸來見者誰不羨篋中

看詩隨錄

卷二十三上

三

賜衣十重餘案上軍書十二卷看君謀智若有神愛君詞
句皆清新澄湖萬頃深見底清冰一片光照人雲中昨夜
使星動西門驛樓出相送玉瓶素蟻臘酒香金鞭白馬紫
遊韁花門南燕支北張掖城頭雲正黑送君一去天外憶

送郭父雜言

陸放翁讀岑集詩公詩信豪偉筆力追李杜又日零落
池上青草出經冬今始歸博陵無近信猶未換春衣憐汝
纔百篇崔嵬多傑句
不忍別送汝上酒樓初行莫早發且宿灞橋頭功名須及

早歲月莫虛擲早年已工詩近日兼注易何時過東洛早
晚度盟津朝歌城邊柳鞞地邯鄲道上花撲人去年四月
初我正在河朔會上君家縣北樓樓上分明見恆嶽中山

明府待君來須計行程及早回到家速覓長安使待汝書
封我自開

看詩隨錄

卷二十三上

三



門下晚生
顏榮

榕
鉞校字

看詩隨錄盛唐諸家七古卷二十三下

甯河高 靜慎莽選

男棠恩校刊

孟門行

崔顥

黃雀銜黃花沈德潛曰刺讒之作渾厚乃爾此體作結委曲深婉耐人尋味翩翩傍簷隙本擬報君恩如何反彈射金疊美酒滿座春平原愛才多衆賓滿堂盡是忠義士何意得

有讒諛人諛言反覆那可道能令君心不自保北園新栽

桃李枝根株未固何轉移成陰結實君自取即報恩之論言君宜不惑於讒人也若問傍人那得知

七夕詞

長安城中月如練家家此夜持鍼綫仙裙玉佩空自知天

看詩隨錄

卷二十三下

看詩隨錄 卷二十三下 一 上人間不相見沈曰言長信偏孤居不如牛女之一年一見也深情無限長信深陰夜轉幽玉階金閣數螢流班姬

此夕愁無限河漢三更看斗牛

烏棲曲

王昌齡

白馬逐朱車黃昏入狹斜柳樹烏爭宿爭枝未得飛上屋東房少婦婿從軍每聽烏嗁知夜分

城旁曲

秋風鳴桑條草白狐兔驕邯鄲飲來酒未消城北原平掣

皂鵬射殺空營兩騰虎迴身卻月佩弓弰

箜篌引 一名公無渡河

盧谿郡南夜泊舟夜聞兩岸羌戎謳其時月黑猿啾啾微

雨沾衣令人愁有一遷客登高樓不言不寐彈箜篌彈作
薊門桑葉秋風沙颯颯青塚頭將軍鐵驄汗血流深入匈
奴戰未休黃旗一點兵馬收亂殺胡人積如邱瘡病驅來
役邊州仍披漠北羔羊裘顏色飢枯掩面羞眼眶淚滴深
兩眸思還本鄉食羴牛欲語不得指咽喉或有強壯能呷
憂意說被他邊將讐五世屬蕃漢主留碧毛氊帳河曲遊
橐駝五萬部落稠敕賜飛鳥金堯蓋爲君百戰如過籌靜
掃陰山無鳥投家藏鐵券特承優黃金千斤不稱求九族
分離作楚囚深谿寂寞絃苦幽草木悲感聲颺颺僕本東
山爲國憂明光殿前論九疇篋讀兵書盡冥搜爲君掌上
看詩隨錄

卷二十三

二

施權謀洞曉山川無與儔紫宸詔發遠懷柔搖筆飛霜如
奪鉤鬼神不得知其由憐愛蒼生比蚍蜉朔河屯兵須漸
拙盡遣降來拜御溝便令海內休戈矛何用班超定遠侯
史臣書之得已不

夜歸鹿門歌

孟浩然

王堯衢曰此篇前半疊用四韻後用頂鍼法轉韻
山寺鳴鐘晝已昏漁梁渡頭爭渡喧人隨沙岸向江村余

亦乘舟歸鹿門鹿門月照開煙樹忽到龐公棲隱處巖扉
松徑長寂寥惟有幽人自來去

代北州老翁答

張謂

負薪老翁住北州北望鄉關生客愁自言老翁有三子兩

人已向黃沙死如今小兒新長成明年聞道又徵兵定知
此別必零落不及相隨同死生盡將田宅借鄰伍且復伶
俦去鄉土在生本求多子孫及有誰知更辛苦近傳天子
尊武臣強兵直欲靜胡塵安邊自合有長策何必流離中
國人

湖中對酒作

夜坐不厭湖上月晝行不厭湖上山眼前一樽又常滿心
中萬事如等閒主人有黍萬餘石濁醪數斗應不惜卽今
相對不盡歡別後相思復何益茱萸灣頭歸路賒願君且
宿黃公家風光若此人不醉參差孤負東園花

看詩隨錄

卷二十三下

三

餘杭醉歌贈吳山人

丁仙芝

沈曰四句此山人之高宛然樂府
曉幙紅襟鷺春城白項烏只來梁上語不向府中趨城頭
符曰此篇中用二句一韻後用六句一韻趁篇勢立局
坎坎鼓聲曙滿庭新種櫻桃樹桃花昨夜撩亂開當軒發
色映樓臺十千兌得餘杭酒二月春城長命杯酒後留君

待明月還將明月送君回

古意

常建

井底玉冰洞地明琥珀轆轤青絲索仙人騎鳳披彩霞挽
上銀瓶照天閣黃金作身雙飛龍口銜明月噴芙蓉一時
渡海望不見曉上青樓十二重

登戲馬臺作

儲光羲

君不見宋公仗鉞誅燕后英雄踴躍爭趨走小會衣冠呂
梁壑大徵甲卒礪礪口天門神武樹元勳九日茱萸饗六
軍泛泛樓船遊極浦搖搖歌吹動浮雲居人滿目市朝變
霸業猶存齊魯甸泗水南流桐柏川沂山北走瑯琊縣滄
海沉沉晨霧開彭城烈烈秋風來少年自言未得意日暮
蕭條登古臺

看詩隨錄

卷二十三下

四

看詩隨錄七古卷二十三終

門下晚生

鍾玉和
田良顯校字

